

## Chnoque & Tedy, 14/7j.



### suechet dringänd zäme äs nöiies Daheime mit Freigang

Liebi Tierfründe

Wie geit's? Guet? Üs ou, merci. Es isch nur eso, mir sy dr Chnoque u dr Tedy, beschi Fründe u dringänd uf dr Suechi nach eme nöiie Daheime. Warum? Üses liebs Froueli cha üs us gsundheitlechi Gründ nüm so versorge, wie's nötig wär. Mir hei ghört, dass scho viu Büsis übr so en Wunschzettle hei chönne es toues Daheime finde u itze wönnt mir das ou probiere. Drum!

Dr Schwarz, das bin ig, dr Chnoque, 14j., abr gar nid so e aute Kärli, wie dr Nam seit. Bi chaschtriert, abr nüm gimpft, gsung, sähr aahängelech u sähr verschmuest (nur nid hinge aafasse, bitte, gäu?), ziemlech entspannt u sähr verfrässe. Ig geb's ja zue, ig liebe Ässe u wott das e paar Mau am Tag! Dr Norwegisch Wuschu, das bin ig, dr Tedy, 7j., chaschtriert, gimpft u chipped, gsung, verschpiut, samft u ou verschmuest, abr es bitzeli vorsichtigr aus min Fründ. Abr ig bi bschtächlech. Ig mag Bürschtele u Vögeli jage (ja, sähr zum Leidwäse vo mini Döseöffneri). Was ig ga nid so mag? IIggschlosse sy, dört drei ig düre, bi mir müesse au Türe offe sy u ig bruuche Platz u Luft.

Mir sueche unbedingt zäme es Daheime bi liebi Lüüt, die wo üs viu Platz biete chönnte. Gärn e sähr grossi Wohnig odr no bessr es Huus i verchehrsarmer Umgäbig, mit Freigang i Garte u Wiese. Mir wönnt scho ummestromere u bi die Nachbare vorbeiluege u bi die Nachbare vo di Nachbare u ... Hung u chliini Ching wönnt mir nid, grösseri nätti Ching so ab 10i odr e angeri Chatz sy cheis Problem für üs. U Du sött sch no fit sy, mir sy's ja ou, bi üs muess schon o öppis gah. Was meinsch, chönntisch Du üs so öppis biete? Suechsch Du zwöi liebi Chaterli us Mitbewohner? Siit Dir e nätti Familie mit viu Ziit für zwöi liebi Büsis? Heit Dir en schpannende Garte (ÜSE Garte?) u wohnt Dir ir verchehrsarmi Umgäbig? U heit Dir viu Ziit, Ziit für üs? Viu Wunsch, gäu? U das, obwou Wiihnachte scho düre isch. Abr das wär's! Denn müesset mir üs unbedingt lehre chenne. Mir wohne derziit no ir Region Biel u würde gärn wiiters weg zügge, Ruom Bärn odr Aargau/Solothurn odr ... Damit mir nid wiedr zrückloufe, Du verschtehsch? Bsuechsch Du üs einisch? Ou ja! Mäud Di doch bitte ganz gly bi dr Sonja Ball. Sie het sich üs agno u suechet für üs däs nöii Plätzli.

Dini Chnoque & Tedy



Katze sucht Mensch - Mensch sucht Katze

Sonja Ball

Tel.Nr. 079 333 45 62

kontakt@katze-sucht-mensch.ch